

沅  
湘  
耆  
舊  
集

沅湘耆舊集卷第七

新化鄧顯鶴湘臯編輯

鄞縣沈道寬栗仲校訂

李文正公東陽樂府五十四首

東陽字賓之茶陵人天順甲申進士改庶吉士授  
編修累遷侍讀學士充東宮講官憲宗實錄成由  
左庶子兼侍講學士進太常少卿擢禮部右侍郎  
兼侍讀學士入內閣專典誥勅尋以本官直文淵  
閣參與機務久之進太子少保禮部尚書兼文淵  
閣大學士屢加少傅兼太子太傅卒贈太師諡文  
正先生以戌籍生長燕京四歲能作徑尺書景帝

召試之甚喜抱置膝上賜果鈔後兩名講尚書大義稱旨命入京學成進士時年未十八也公慧悟夙成風神娟秀立朝五十年歷相兩朝受顧命當入黨煽亂羣賢去國之時獨以一身周旋始終扶危定傾保全善類誅鋤大憝有補天浴日之功天下陰受其庇而不知詩文流播四裔照耀天壤風流宏獎推挽才雋學士大夫出其門牆者粲然有所成就文章相業並垂不朽有明一代宰輔中一人而已小人好議論不諒其心不求其本末轉以不忤瑾不同劉謝並去爲隱忍遷就且弁其詩文與其所取之門下士詆之聽者不察百口一辭三

百年來知人論世申枉辨誣者不乏其人至本朝而李臨川彭茶陵諸公出反復辨論大聲疾呼近日橋門祭酒以居近西涯修復畏吾邨祠墓作公年譜四卷歲以公生日同京朝官展謁修祀事而大興朱文正公實爲倡首至於上徹天聽

權衡 聖心公道大彰萬世論定夫而後公之

心跡如青天白日豪無纖翳兒童走卒皆知之矣乃猶有甘爲撼樹之蚍蜉襲陳說以曲護其先世者亦徒可笑不自量而已於先生何尤先生懷麓堂集共一百卷康熙末有廖方達者以薦辟爲茶陵學官捐貲同安仁令劉美慶刻之而提學蔣公

永修序行嘉慶初州人士又醱金重刻弁冠以年

譜四卷

四庫全書目錄提要東陽文章爲一代

復古學

於文必秦漢詩必盛唐其才學足以籠

罩一世

天下亦響然從之茶陵之光焜幾盡逮北

地信陽

之派轉相摹擬流弊漸深論者乃稍稍復

理東陽

之傳以相摛拄蓋明洪承以極後文以平正

典雅爲宗

其究漸流於庸腐庸腐之極不得不變

而求新

正嘉以極後文以沈博偉麗爲宗其究漸流

於虛憍

虛憍之極不得而返而務實二百餘年兩

派互相

勝負蓋皆理勢之必然平心而論何李如

齊桓晉文

功烈震天下而霸氣終存東陽如哀周

弱魯力不足

禦強橫而典章文物尙有先王之遺

風殫後來

雄偉奇傑之才終不能擠而廢之亦有

由矣其集

籥板已燬此本爲國朝康熙壬戌茶

陵州學正廖方述所校刻凡詩稿一卷文稿三

十卷詩後稿十卷文後稿三十卷又雜稿十卷日

南行稿曰北上錄曰經筵講讀曰東祀錄曰集句

錄曰哭子錄曰求退錄凡七種其詩後稿本十卷

惡鴻烈改作二十卷筆談也前有正德丙子陽一

及庚申馬自序然自序爲撰古樂府作不爲全

集作後人移弁全集耳徐子元云長沙大韶一

奏俗樂俱廢中興宗匠邈焉寡儔獨擬古樂府乃

楊徽崖之史斷此體出而古樂府之意微矣唐

敬甫云李公才情兼美於何李有倡始功大似唐

之燕許王元美云長沙公如陂塘秋潦汪洋應

池少爲詩有聲既得大位愈自喜攜拔少年雅俊

者一時爭慕歸之又云嚮者於李賓之擬古樂府

病其太涉議論過爾翦抑以爲十不得一自今觀

之奇旨創造名語疊出縱未可被之管絃自是調

地開一種文字若使字字求諸於房中鏡吹之調

取其字句斷屬者而模仿之以爲樂府如是則豈

非西子之聲耶鄆之步哉胡元瑞云成化以還

詩道旁落唐人風致幾於盡樂獨文正才具宏通

格律嚴整高步一時興起向李厥功甚偉是時中

晚宋元諸調雜興此老砥柱其間固不易也又云

國朝詩流顯達無如孝廟以還李文正楊文襄百

文隱謝文肅吳文定程學士凡所製作務爲和平

暢達演繹有餘羣折不足是時厥後李何並作字

宙一新矣顧子言云文正以大雅之宗推轂後

進學既該博詞亦宏麗陳臥子云文正網羅羣

彥導揚流風如帝釋天人雖無與宗派實爲法門

所貴陳元孝云西涯樂府得古詩之遺風刺並

見含蓄可味使人自得於言外別爲一格奚而不  
可錢受之云國家休明之運萃於成宏公以金  
鐘玉衡之質振朱弦清廟之音含咀宮商吐納和  
雅風飄乎洋洋乎長離之和鳴共命之交響也北  
地李夢陽一旦崛起侈談復古攻剽竊之學詆謀  
先正以劫持一世關隴之士坎壈失職者羣起附  
和以擊排長沙爲能事王李代興祧少陵而禰北  
地目論耳食靡然從風吾友程孟陽讀漢麓之詩  
爲之撼發其指意洗刷其詹宇百五十年之後西  
涯一派煥然復開生面而空同之雲霧漸次解散  
孟陽之力也余嘗與周劉敬仲論之曰西涯之  
詩原本少陵隨州香山以迨宋之香山元之道園  
兼綜而互出之其詩有少陵有隨州香山有道園  
道園而其爲西涯者自在試取空同之詩汰去其  
吞刺尋摭呷牙齷齪者求其所以爲空同者而無  
有也敬仲深思久之亦以余言爲然今年錄西涯  
詩思與孟陽敬仲後先揚扝之語爲之慨然而又  
念西涯北地升降之間文章氣運胥有繫焉不得  
不詳切言之非欲與世之君子爭壇墀而絮短長  
也又云嘉隆之際握持文柄躋北地而擠長沙者  
元美爲之職志至謂長沙之破何李膺陳涉之啟  
漢高及其晚年氣漸平志漸實舊學銷亡霜降水

落自倚其少壯之誤而掉其不能改作也於論西  
涯樂府三致意焉今之談藝者尊奉弁州扈言以  
爲金科玉條引繩批根恐失尺寸豈知元美固晚  
而自悔以其言爲土苴唾餘乎朱竹垞云文正  
安獎羣英力追正始由其天材穎異長短豐約高  
下疾徐滔滔奔奔惟意所如其自序謂耳目所接  
興况所寄左觸右激發乎言而成聲雖欲止之有  
不可得而止者此自得之言也昔賢以大謝繁燕  
爲累大陸才多爲患此翁亦然若其擬古樂府因  
人命題緣事立義別裁機杼方之楊廉夫李季和  
輩似遠勝之至或剛而近弱簡而  
似傲文之佳惡文正蓋自得之矣

申生怨

十日進一胙君食不得嘗讒言豈無端兒罪誠有名兒心  
有如地地墳中自傷兒生不如犬犬得死君傍天地豈不  
廣日月豈不光悲哉復何言一死以自明

蘇山怨



五蛇上天一蛇螫縣山經月火不滅君侯恩重翻爲仇不  
如放作山中囚君侯有臣亦非少貪夫之徒但自保臣心  
見母不見君誰言母死非君恩今辰何辰夕何夕留與千  
年作寒食

屠兵來

兒勿嗥屠兵來趙宗一綫何危哉千金賣兒兒不死眞兒  
卻在深山裏妾今有夫夫有子死兵易立孤難九原下報  
無慚顏趙家此客還此友穿何故亡盾何走誰言趙客非  
晉臣當時嬰杵爲何人

漸臺水

漸臺水深幾許使者來誰遣汝不見君王符空傳君王語

漸臺水行宮不可度妾死猶首丘君行在何處平生委質  
身爲君此時重信輕妾身君不還妾當死臺高高水瀾瀾

樹中餓

山深雪寒路坎坷兩死何如一生可桃才自信不如哀君  
若有功何必我楚王好士得燕才燕家未築黃金臺當時  
周室何爲哉吁嗟乎樹中餓死安足惜何似西山採薇食

易水行

田光刎頭如拔毛於期血射秦雲高道傍灑淚沾白袍易  
水日落風悲號督亢圖窮見寶刀秦皇繞殿嘯且逃力脫  
虎口爭秋毫荆卿倚柱笑不哧身就斧鑕甘腴膏報韓有  
客氣益豪十日大索徒爲勞荆卿荆卿嗟爾曹

新豐行

長安風上殊不惡太公但念東歸樂漢皇真有縮地功能  
使新豐爲故豐人民不異山川同公不思歸樂關中漢家  
四海一太公俎上之對何匆匆當時幸不烹若翁

淮陰歎

營門書開齊犬吠蒯生相人先相背古來烏盡良弓藏近  
時刻頸陳與張功成四海身無地歸楚楚疑歸漢忌極知  
猶豫成禍胎時乎時乎不再來君王恩深辯士走淮陰胸  
中血一斗婦人手執生殺機赤族不待君王歸君王歸神  
爲慟獨不念秋豪皆信力舍人一啖彭王殂淮陰之辭真  
自無

臣不如

劉氏盟呂氏爭臣不如陵呂氏滅劉氏絕臣不如勃也乎  
平乎知有餘胡爲甘此兩不如茲言非知還非愚平乎竟  
爾爲身圖

殿上戲

殿上戲丞相嗔丞相勿嗔吾弄臣臣可弄不可狎節使不  
來臣已殺君王有道臣職遂細柳營中親按轡

文成死

文成封五利封神仙只在東海東文成死五利死天下神  
仙皆妄耳漢豕武帝者英昔何懵矣今何明君不見百  
年身萬年計前秦皇後唐帝

牧羝曲

嗟汝陵咄汝律羝可乳節不可屈咄汝律嗟汝陵甯爲我  
死不作汝曹生生入朝身已老有淚猶沾茂陵草天遣生  
還入畫圖不然誰識冰霜貌

明妃怨

莫倚朱顏好妍媸無定形莫惜黃金貴能爲身重輕一生  
不識君王面不是丹青誰引薦空將豔質惱君懷何似當  
時不相見君王幸願苦不早不及春風與秋草卻羨蘇郎  
男子身猶能仗節長安道休翻胡語入漢宮祇恐伶人如  
畫工畫工形貌尙可改何況依稀曲調中

晉之東

西晉盛南風競二十四友皆爲佞北師來東海追四十八  
王皆不歸前奉觴後執蓋忠臣灑淚翻就害萬里中原士  
馬空銅駝尙在宮門外宋家二帝俱入金神州陸沈古猶  
今黃旗紫蓋渡江水碧嵩清洛愁人心晉之東非失據宋  
之南竟何處

伯仁怨

呼伯仁百口累卿卿不聞伯仁出醉叱羣奴殺諸賊卿負  
我我負公軍中應對聲如鐘三言不答二賢死義未滅親  
先殺士君不見王彬哭友不拜兄幽冥未必無知己

五斗粟

五斗粟不屈人五株柳不出門舉世不我容上作義皇民

羲皇夢不見一枕三千春

燕巢林

胡馬來飲淮浦春燕歸巢江樹石頭城立不住狼居胥在  
何處耕問奴織問婢誰遣書生論兵事萬里長城元自棄  
生不逢檀道濟

鮮卑兒

鮮卑胡漢兒是汝奴夫爲汝耕婦爲汝織纒使汝溫飽相  
歌呼胡爲虐彼無甯居漢土著鮮卑汝客作一匹絹一斛  
粟爲汝擊賊使汝樂胡爲疾彼同剽掠高丞相三軍主能  
胡言能漢語胡爲爪牙漢肝腑姦雄桀驚不足數猶能虎  
視中原土君不見鮮卑小兒難共事河南行臺徵不至

高涼洗

刺史召君勿行妾不知兵能知刺史情  
刺史反君勿戰妾先請戰歸與君相見  
吁嗟乎高涼娶婦得婦力不見刺史  
但見賊太原亦有娘子軍誰道軍中無婦人

涼風臺

涼風堂前池水赤赤星射空虹貫日  
斛律美人生把玦死向青天待明月  
君不見晉陽書中臨絕語曾爲樂陵求樂  
處百年無罪君莫冤濟南何枉是誰言  
不須更問華林園歸母怨

母告兒飢不得汝食寒不得汝衣汝身榮盛吾何爲  
兒告母寒不見母寒暑不見母暑死若有知應得覩  
齊使還周



兵起天遣來來送死洛陽不死長安死殿前一殺數十人  
母身在否無兒存丁甯莫遣齊師聞

長江險

長江險天可恃齊三來周再至隋兵疆竟何事兵入城吾  
有計樓高入天井入地生同歡娛死同避國有二嬪無一  
士回首長江如屣棄君不見古來人和方地利天爲吳王  
還魏帝

姦老革

姦老革天下甯有許多賊潼關以東大有人悔不盡殺江  
都民民不欲多多卽亂安得龍舟數千夫八萬君不見江  
都城外人圖儂那能更到丹陽宮

太白行

太白經天照城闕甲光侵肌冷如鐵秦王袍沾楚王血  
蔡鳳附不自由何乃棄君來事讐危言逆耳誰爲謀古來  
天子不觀史飾詞佞筆徒爲耳胡不自修爲謗弭

譽樹行

莫愛庭前樹一愛百譽隨向非諫臣言不知佞者誰不知  
尙自可不去安用知甘言終幸憐逆耳先防辱那將君王  
樹不及太尉足

韓休知

內家伎樂喧歌酒外庭宰相還知否語罷封章驚在手君  
王對鏡念蒼生一身甘爲韓休瘦嗚呼曲江以後無此賢

梨園羯鼓聲震天何由再見開元年

卿勿言

卿勿言朕自思南詔覆師君不知卿勿憂朕自保范陽弄  
兵苦不早卿邪誰邪高與楊非姚非宋還非張有言如此  
尚不用豈育藥石鍼膏君不見咸陽老人能直諫何曾  
得睹君王面

青巖山

青巖山甄郎高風不可攀祿山使者刀封還入東京見黃  
蓋帝救僞官階下拜鄭虔貶死王維生故人獨有蘇源明  
君不見舞象悲嘯樂工哭賊斫二屍分象肉

腹中劍

腹中劍中自操一日不試中怒號構仇結怨身焉逃一夜  
十徒甘爲勞生無遺憂死餘憾憾不作七十二冢藏山坳

馬嵬曲

唐家國破君不守獨載蛾眉棄城走金甌器重不自持玉  
環墮地猶回首前星夜入紫微垣王風淨埽長安羶上皇  
卷甲三川外父老含悲長慶前世閒萬事多反覆自古歡  
娛不爲福君不見西宮露刃迎何如坡下屯兵宿

睢陽歎

將軍有齒嚼欲碎將軍有背血成淚生爲將星死爲厲盡  
是山川不平氣二人同心金不利天與一城爲國蔽強兵  
坐擁臙相視孝子忠臣竟誰是千載功名亦天意君不見

河南節度三日至

河陽戰

裨將退元帥怒先取廷玉後僕固牙旗颯地高掣空將軍  
號令如雷風逆賊夜散潼關東元功獨冠中興中營燧  
錦難爲忠空令憤死田神功

令公來

令公死回紇至令公來葛羅拜後卻三軍前一騎回紇盟  
吐蕃退令公度量包天地君不見長安城章敬寺眼中那  
有軍容使

司農笏

司農手中無寸鐵奪笏擊賊賊腦裂賊雖未死氣已折牽

天天子雙淚橫十年棄卿真負卿臣身區區勞記憶平原  
太守曾未識

養兒行

朝廷養公公養兒兒爲心腹股肱誰當時意氣各相許兒  
不負公公負主養兒至死心不易甯不爲兒不爲賊君不  
見入朝告變歸殺身此兒非養甯非真養兒身死名不腐  
惟有真兒心獨苦

問中使

問中使幾日發長安老臣當死死不難中使答言從大梁  
至大梁賊耳胡稱使君不見吐蕃使者中道亡相臣節度  
死鳳翔老姦有貌幸不揚三年飽食居廟堂澧州客死非

人殃

永貞歎

王郎索飯黃扉裏鄭州相公呼不起六街鬼魅夜攫人公  
門白日成官市紛紛逐客不足嗟河東司馬文章家江湖  
浪客河間婦世事榮枯一翻手詩翁莫賦永貞年後來何  
代無此賢

王凝妻

妾生愛身如愛玉玉可玷身不可辱生不逢魯男子彼氓  
何知妾爲恥揮刀斷臂不自謀已看此臂爲妾仇不憾妾  
身出無主但憾妾身爲婦女君不見中原將相誇男兒朝  
梁捧周皆逆旅

十六州

契丹助晉兵一號三十萬晉家報契丹一數一匹絹三十萬絹未足惜一十六州空棄擲遂令宋統成偏安中原以北無幽燕金元相承二百載慟哭衣冠化兜鍪至今五鎮接三邊不備西陲備東海

城下盟

澶州城南見黃蓋澶州城北胡兵退南朝相公方鼾睡讒言後出功臣猜城下一盟成禍胎孤注之說何危哉城下盟君不辱猶勝金陵與西蜀當時若恥城下盟縱寇不追真大錯

安石工



端禮門金石刻丞相手書姦黨籍長安役者安石工不識  
人賢愚但識司馬公卑疏不敢預國事幸免刻名爲後累  
匹夫憤泣天爲悲黃門夜半來毀碑碑可毀亦可建蓋棺  
事久乃見不見姦黨碑但見姦臣傳

奇才歎

奇才復奇才二聖一語孤臣哀孤臣哀淚如雨衆欲殺臣  
臣有主不然安得夢中身天上語

兀术走

金山廟前鼓聲起江頭走卻四太子緋袍玉帶墜復跳華  
人頓足胡兒喜君不見和尚原頭走禿胡天爲中原留逆  
雖他時再作江南圖韓公吳公還有無

兩太師

和議是塞外蒙塵走天子和議非軍前函首送太師議和  
生議戰死生國讐死國恥兩太師竟誰是

金字牌

金字牌從天來將軍慟哭班師迴士氣鬱怒聲如雷聲如  
雷震三陲幽薊已復無江淮讐虜和壯士死天下事安有  
此國之亡嗟晚矣

三字獄

朋黨謫天下惜惜不惜貶李迪三字獄天下服服不服殺  
武穆姦臣敗國不畏天區區物論真無權崖州一死差快  
意遺憾施郎馬前刺

參謀來

新將代舊將去參謀來軍有主受命犒不受戰參謀行真  
獨斷宋家養兵二百秋大功竟屬書生收翻令愧死劉揚  
州君不見陝西歸來笏畫地遺憾他年六州棄

千金贈

相門深深夜不扃百年恩重千金輕二人辭受本同情君  
王但賞辭金名嗚呼一檣死一檣生君王孤立臣爲朋誰  
哉更問胡邦衡

木絲庵

多寶閣中歡不足木絲庵前新鬼哭裂膚拉脇安足論天  
下蒼生已無肉君王不誅監押誅父讐國憤一時據監押

死死不滅元城使者空嘔血

冬詩行

高家陵孝家陵鱗骨盡脫龍無靈唐義士林義士野史傳  
疑定誰是玉魚金粟俱塵沙何須更問冬青花徽欽不歸  
梓宮復二百年來空朽木穆陵遺骸君莫悲得葬江南一  
抔足

趙承旨

趙承旨誰家子王維詩畫鍾繇書不獨行藏兩相似文山  
令子燕京臣臨川貢士官成均名家大儒亦如此雪樓之  
徒安足齒

劉平妻

誰謂虎力猛赤手亦可屠誰謂妾無身妾身雖在不如夫  
妾身與夫爭虎口生同道塗死川數呼兒拔刀兒不怖騰  
聲摧山虎爲沮攜夫夜歸車下宿孱食趨程烹虎肉夫身  
有死死不孤生當爲君西擊胡

尊經閣

尊經閣閣高不可攀前有文宣宮後有鍾陵山

花將軍歌

花將軍身長八尺勇絕倫從龍渡江江水渾提劍躍馬走  
平陸敵兵不能逼主將不敢噴殺人如麻滿川谷偏體無  
一刀鎗痕太平城中三千人楚賊十萬勢欲吞將軍怒呼  
縛盡絕罵賊如狗狗不信橋頭萬箭集如蝟將軍願死不

願生作他人臣郤夫人赴水死有妻不辱將軍門將軍侍  
婢身姓孫收屍葬母抱兒走爲賊俘虜隨風塵寄兒漁家  
屬漁姥死生已分歸蒼雲賊平身歸竊兒去夜宿陶穴如  
生墳亂兵爭舟不得渡墮水不死如有神浮槎爲舟避爲  
食空中老父能知津孫來抱兒達行在哭聲上徹天能聞  
帝呼花雲兒風骨如花雲手摩膝置泣復歎雲汝不死猶  
兒存兒年十五官萬戶九原再拜君王恩忠臣節婦古稀  
有嬰杵尙是男兒身英靈在世竟不朽下可爲河嶽上可  
爲星辰君不見金華文章石室史嗟我欲賦豈有筆力回  
千鈞

沅洲耆舊集卷第七終

沈湘耆舊集卷第八

新化鄧顯鶴湘臯編輯

勤縣沈道寬栗仲校訂

李文正公東陽

百體詩五十七首

擬古出塞

軍行視旂旄聞向黃河曲相顧問姓名同伴爲骨肉星分  
畏鄉爨月傍并陘宿民貧苦供給縣官告不足掾吏飽肥  
羊馬飢奴無粟營門號令煎雞狗不敢揭起居有常節幸  
得免符尋

河曲二千里外險中廣夷胡兒十萬騎倏忽路無歧邊軍  
戒輕入壯士氣不持帷幄計深密功成在何時糧儲日不



繼淹留懼愆期邊疆古有患上將重興師吾知荷戈被生  
死長相隨

邏騎朝出塞胡來屢衝突我軍摧其鋒殺氣滿川窟將驕  
聞裏瘡戰勝多白骨兵家貴萬全豈足較毫髮十金買首  
功百金紀勲伐京軍得先陞邊卒長獨沒卑情思上達疏  
賤不得謁日暮獨無言岩堯見宮闕

頻年討北虜往歲征南蠻七年六出師師出無空還將軍  
盡封侯鐵券誓河山白衣領陸襲立在執戟班先朝麒麟  
畫位次迴莫攀功疑古惟重此義故不刪君恩實浩蕩感  
泣徒潛潛諸公固當爾而我獨何顏

荷木平二十韻

自注高祖處士府君墓

恭言奉明詔祭告返鄉國路入茶溪深居人渺蕭瑟茲平  
我斯志先隴舊封殖荷木生其旁松江瀉其北從戎始北  
征家業隨蕩析吾祖懷故居臨終涕沾臆遺言在子孫夙  
夜常警惕高秋下霜露展轉不安席還歸實父命錫類荷  
若澤良辰展樽俎再拜掃榛棘縣令具牲醪諸生走冠帻  
伯叔狂我前子弟侍我側燎帛薦馨香樹碑紀名德安能  
濯泉冥庶用表里宅巢枝羈鳥性宦海流萍迹古人重水  
木興豈在泉石眉山有遺憾頽水阻歸魄糾結勞寸心驅  
馳歎行役微官念靡盬戾止遑宴息明發登長途徘徊更  
悽惻

雷公峽二十韻

自注族高祖  
提舉府君墓

我家有遺譜云自泚州發茶陵世繁衍樹德爲耕墾有宋  
三百年歷元未衰歟公生實天挺少小負奇骨策試殿甲  
科詞林力不竭一官佐提舉蹤跡徧吳越有母還故鄉興  
言採薇蔽兵戈滿天地瞻拜阻宮闕避亂入永新孤身任  
飄突希遠表微意志比阻溟渤皇明始革命蒐訪盡巢窟  
平生用世策垂老不自伐簪纓豈予事邱壑成永沒大節  
幸不虧遺文爲余闕自注提舉有青陽先生文集序行於世尤多金石篇碑  
版勞劓劓卓爾稱鉅儒巍然鋒高閎秋風動雷峽孤冢高  
崒兀不才愧苗裔今旦得參謁倉皇問故地散亂訪遺碣  
有筆贊幽光茲言敢終訥

放船

日出風亦靜臥聞雙櫓鳴起看林巒過始知我舟行輕隔  
逆素浪幽草迎人生清暉散宿靄遠目增春明風帆疾於  
鳥頗快青雲程豈不惜行路懷歸意先征浮雲西北馳然  
然傷我情

夜過邵伯湖

蒼蒼霧連空冉冉月墮水飄飄雙鬢風恍惚無定止輕帆  
不用檝驚浪長在耳江湖日浩蕩行役方未已羈縲正愁  
絕况乃中夜起

水碓

村舂不自力杵臼清溪裏茲事予所聞經過親見此初觀  
未全解諦視得深旨長輪周其旁機括中齒齒急流相低

昂日夜方未已蕩激勢則然設施固其理古人重制器法  
象隨所擬此物豈其餘末流弊宜爾雖多造作勞亦復天  
機使人言機害事抱甕者誰子剖斗折其衡吁嗟聖人死  
斯民生理足勤儉誠可喜觸事感我懷作詩究終始

春至

兒女喜春至競爲桃李顏主人坐中堂對食不能餐寡妻  
問何爲良久方出言東鄰不衣褐西舍無炊煙農家望春  
麥麥種不在田流離徧郊野骨肉不成憐嘉辰忽不見城  
市轉蕭然高樓雜絃管此事十年前

土室

土室暗無光重關閉深壁客來語始辨坐久自生白語畢

各自還誰能問形迹。劫來中宵夢坐我。善皇劍太藥及元酒。此味久已識。古人戒屋漏所貴無愧色。我心非槁木豈不念朝夕。默默方自知。多言竟何益。

予病中頗愛作詩。舜咨以詩來戒者。再未應也。偶誦陶淵明止酒詩。自笑與此癖相近。因追和其韻。斷自今日爲始。成化丁酉春正月十日。

平生抱詩癖。雖病不能止。還同嗜酒客。枕藉糟邱裏。作銘示深戒。厚意勤教子。蕭然百玩餘。此技差獨喜。如以酒醒酒愈醉。不得起。今將詩止。詩無乃非物理。應酬與吟詠。何必分彼已。雖無役志勞。有玩斯喪矣。狂瀾去莫追。來者方無俟。擬學賈浪仙。焚詩以爲祀。

入春絕不作詩清明後三日與鳴治師召遊大德觀  
爲二公所督甚苦得聯句四首已而悔之因用止詩  
韻以自咎先是諸同年皆有和章爲說不一鳴治獨  
持兩可之說至是竟爲所阻云

淵明愛酒翁晚歲方暫止始知山水興不在壺觴裏後來  
不飲人效顰乃蘇子吾詩亦何解似獨有深喜一戒踰七  
旬此念灰不起羣公各雄辨未究同異理三占從兩卜頗  
覺吾喪已惜哉九仞功一簣今已矣陶蘇雖止酒所止皆  
有淡擇例偶不精遺蹤愧前祀

初子止詩鼎儀有約同止予援張汝弼故事以隻雞  
斗酒爲罰鼎儀固未嘗止及予破戒乃和韻見索再

盤前韻並雞酒答之

與君同止詩拙者最先止至今雞酒券尚在詩筒裏吟聲  
日不絕負約常在子病中未遽往願券每自喜君方掩耳  
臥十緘九不起三緘偶一映乃輒相料理多言竟無益甯  
使人負己我雞固當鷓我馬今秣矣明晨自公出遲予金  
明溪願託鶴林翁清風播來祀

予破戒時頗念鼎儀之約鳴治師名許爲代罰既有  
成約再用韻邀三公同赴

人皆止我詩君意方止止詞鋒苦相督置我重圍裏平生  
雞酒期吾愧金闈子

鼎儀號金闈逸興

君同觀棋法勝敗俱可喜

門前索雞吏堅坐詞不起其辭雖未直頗亦持一理雙機



自君發安得終彼已前言亦戲之吾意今决矣買雞南市  
柵沽酒西橋溪且復醉茲辰是非付千祀

靜志居詩話陸鼎儀武與西涯同登第西涯時年  
十七鼎儀瓊林醉歸詩所云行過玉河三百騎少  
年爭說李東陽是也西涯好推挽人才求詩者至  
填塞戶限乃賦詩以止作詩鼎儀聞之失笑鼓作  
八止詩貽之西涯中難酒之約未踐也會謝鳴治  
陳師名促西涯題詠西涯遂渝止詩之約借謝陳  
兩公載酒鼎儀卽舍李明仲羅亭父亦至卽席分  
韻詩成書之卷軸鼎儀又嘗與陸文量飲朱懋進  
宅有教坊弟子秀侑觴夜深風冽琵琶絃屢斷  
主人以洞簫繼之秀舍絃按拍清歌數曲歌詞有  
學士波字蓋方言也鼎儀爲賦詩紀其事有醜後  
空慙學士波之句當日諸公逢大平盛際翰苑風  
流經過輒成勝引余嘗過北平孫侍郎壘室裝觀  
西涯陵祀歸和鳴治騎字韻詩和者數十人裝衣  
行石子足稱玉堂嘉話也鼎  
儀卽在劫堤今已不知其處

玉堂下直

岸曠斜陽下疏林闕遮山新涼灑衣袂爽氣清容顏林端  
見初月素彩生雲閒褰褰步花影欲動愁闌珊向來竹林  
遊暫到已復還甯知一畝內迴若離市闌浮生且爲樂及  
此一日閑

題瀛州圖送陸翁東歸

開門六月雨堆案多詩書陸君索我詩僮僕走且呼麾之  
不肯去堅臥庭前除一朝再三至我已愧此奴空堂展圖  
畫倦眼開模糊層樓挾翥鳳倒景淩飛鳧翠羽色婀娜金  
支光有無依微動天籟彷彿聞笙竽不知何方境乍可留  
須臾昔逢滄洲子云是登瀛圖如聞六合外復有真蓬壺  
吾方困炎溽頰欲超寰區自嗟塵凡骨或與神仙殊君家

老仙客被服雲霞裾，仰視園中人飄飄。豈其徒當攜方平，  
子共解雙明珠垂竿拂海月。舉手招天吳，吾能操几杖欲  
往不可俱。惟將作詩，意目送歸江湖。

師名席上餞邵文敬戶部使淮安得作字

夕雲鬱重陰，霖雨久逾大。平田偃頽波，萬彙同一挫。纍纍  
黍穗落百畝，不盈箇。淮陽舊宜麥，未足供甌磨。稊稗價亦  
增，誰能問粳稭。官租苦未給，生理安可作。城市多游民，山  
林有遺餓。流離及溝壑，去住總無柰。地連兩畿邇，業恐千  
家破。近聞恩詔下，已放今年課。漢臣發諸廩，唐法通百貨。  
王事須賢勞，地曹有良佐。名辭鴻臚籍，檄自尙書座。行哉  
車馬艱，詎免泥塗涴。東南民力竭，要使皇仁播。官雖問升

斗豈豈在揚鐵平生翰墨場珠玉生咳唾簿書劇裁決餘  
暇得酬和羣情恣幽渺品類入搜邏德澤乃膏腴文章比  
獮莖舉世輕迂談茲言我當坐偶託平生交因君識吾過  
君當策勲伐極力起貪儒聊因贈行什預卜還朝賀

題王維詩意圖

平田渺成湖仲夏月多雨汀鷺溼不飛林鶯澀還語村煙  
多乞鄰饁餉常及午柴門無鎖鑰出入隨杖屨白鷗似相  
識亦足忘爾汝王丞詩家流畫格亦天與君看百代遺摹  
搨尙如許吾生慕邱壑偶此繫冠組試問松下翁幾人同  
出處

送錢先生致仕得瞻字

成化己亥冬公來自南國維時龍興節奉表宸旒側入朝  
未浹辰具疏寫衷臆臣年七十二鬢髮不復黑乞身謝主  
組歸老東南域願爲南極星中夜常拱北時當太平世聖  
壽千萬億臣雖在畎畝永荷陛下德聖皇眷舊舊曰汝予  
輔翊古稱老成人豈獨賴膺力吾當獎休退卿意誠悃悞  
加官號冢宰名位班九棘馳封及三世茲典尤絕特公章  
再入省請解尚書職臣方避華要而敢蒙顯陟王言重丁  
簡公意增感刻願書歸榮字鄉人共矜式江山佳麗地從  
此生顏色再拜送公歸臨風遠相憶

困暑次韻白洲

高堂透晴陰炎熯氣呼闕燔同洪爐然滌人厚地黯繁星

夜方搖淫雨盡仍濫炎光石成焦暝色山帶黯羲輪炎赫  
赫雷轂聲監監龜坼行在田濤翻坐平檻占風想乾鵲吠  
日驚蜀兼彼浩空羨鳧吾冠不如蠶甘泉冷將濯惡木繁  
可斫快心甘獨勞炙手竟誰犯周扇懷仁風陶窗仰清範  
雖無簿書煩頗覺餐食減顰爲窮兒愁怒作壯士喊亦有  
域寒交緜袍義思范豈無雪夜訪杯酒情憶湛天時手中  
環世事波上艤晚尋東籬菊秋種南山躡思君正執熱有  
袂不可摻

送徐用和之鎮原

惻惻復惻惻與君各南北昔作同心人今爲遠行客燕山  
望秦關道路修且棘平生舊驄馬十步九欷側長風吹征

衣黥濟塵土色莽莽天地閒胡爲此行役功名豈不念所  
志在憂國此意良獨知多言竟奚益

送成憲教諭

駐屐登崑山移舟汎秀水依依向雲樹戀戀別桑梓風物  
靄宜人方言猶在耳青氊本舊業仕路得新軌置身名教  
閒寄興絃歌裏所得良亦多吾生聊復爾誰哉功名輩隴  
蜀方未已

賀鼎儀遷諭德得檢字

華蓋天穹崇青宮地深儼同時侍從臣一一皆妙檢陸君  
借文行不抗亦不諂銛如囊中錐穎脫不受掩年勞秩屢  
遷德諭官曷忝名厯黼屨記薦豈公卿剡平生耐官職寵

極刊自敘須知啟沃功不獨事編檢姓字符鼎彝文章歸  
瓊玖非才濁慙予同第名久玷交游二十年道義足薰染  
攀躋竟何能時歲驚荏苒勲業乃攸期榮光詎相豔努力  
當壯齡時哉此其漸

光先赴試三河念之有作

東行百里程送汝萬里心衣裝問寒煖野望凝晴陰汝生  
不離勝別我恐未禁翩然上馬去似有壯士襟髻卅能幾  
時忽已勝冠簪搗豪出組製把玩驚詞林嘶鳴誤一顧獎  
借踰千金不學是吾憂虛名非汝任古人重宅相派出蒙  
泉深南屏實眾望鬱鬱泰山岑汝師文場手奪錦春江潯  
蓬麻得依附玉石勞鐫鋟遭逢我弗逮天意或在今未論



沙洲春集卷之九  
九  
目前事長途尚駉駉貧餘詩書在老覺歲月侵汝幸慰我  
意我方爲汝箴嬰懷繼日夕屈指經辛壬過歸一見面誦  
我東行吟

采桑玉堂陰一首答篁墩學士

采桑玉堂陰分蠶長安郭一分累百枚再分連數箔甯知  
貴富地此物能沃若平生畎畝憂黽勉懷力作嗟彼衣錦  
兒空言養蠶樂吳機詠濯濯周葉歌莫莫遺我通家人同  
心故相託愛之敢輕棄弱女方就學

示用兒效玉川子作

夜坐苦不樂作詩示用兒用兒爾何來來自東南陞自言  
貴西人州縣已忘遺但知姓李氏世業本巫醫家有三頭

牛有田可耘籽當年靖州蠻作亂勞王師夜聞狼兵到勢  
若虎與貔我耶被殺死血肉交淋漓我孃亦被虜存亡未  
可期官司簡少俊閹割隨俘纍用兒年十三廣額身尪羸  
生來左目醫卒免殘膚肌紅船載白粲驛遞來京畿兵曹  
奏名籍給配在宥司臣愚本無功恩與公侯齊用兒亦何  
物御筆蒙親批彤庭頓首謝髻舁歸提攜莫羹爲汝餐縱  
帛爲汝衣役不忍汝勞過不忍汝胥居遣用兒侍行令用  
兒隨殷勤語子姪慎勿陵虐爲丁甯戒僮僕疾病相扶持  
緬思先皇德欲報何能追賜生尚必畜况此非豚雞今皇  
兩僮賜本出思恩夷岑梁年十一吳也二歲差渠視汝爲  
兄汝可弟視之班行若鴻雁戲弄吹塤篪渠小不足責汝

沈州耆舊集 卷第九  
長教所宜用兒爾來前訓汝好言詞清晨起必早日暮眠  
當遲操畚埽廳堂汲水澆園畦客來奉茶果客去收書棋  
有口莫喫酒酒醉死路歧有手莫做賊做賊送頭皮人生  
無貴賤但問所從誰長爲官人奴勝作獐與黎用兒爾誠  
駭告汝汝不知垂頭睡莫對吾自吟吾詩

習隱

卜築城西廬寒暑十五更西軒闢新圃遠若居荆衡疏林  
見秋色爽鱗聞空庭園蕪綠復遍屐印旋已平習隱漸成  
癖誰當戀冠纓靜言念疇昔鬢髮白幾莖素志豈不高隨  
時且功名退公得委蛇聊以娛我情

野色澹蕭條城居類林壑閉門埽荒徑秋葉紛欲落園亭

雜花晚紅碧相開錯采芳意未遲及此霜露薄陶韋去世  
遠古調方寂寞撫景非少年悠然念今昨

羣芳應候歇衆鳥知時歸物理固如此消息乘化機林下  
無一人反遭釋子譏多言亦安用志士決振衣振衣果何  
時我髮半未絲無爲大自恕今是昨已非山林在城市豈  
必嚴陵磯習隱須及今不習終身違

啞啞復啞啞隔牆聞水車車翻水汨汨如在東鄰家當軒  
埋嘉樹傍檻移新花一澆潤枯稿再濯無塵沙濟川恐無  
用學圃良非差房山有南畝海子餘西涯安得謝簪纓悠  
悠送年華

坐人羣動息秋蟲亦不鳴開軒向空碧華月來前楹炎歊

颺已盡涼氣飄衿纓萬慮逐霧釋虛懷隨白生可與語者  
誰心口兩無聲古道日荒落浮雲非我情何當脫塵鞅及  
此筋力輕著書畢歲月敢爲後世名

南湖春草綠西涯春水多年光日桂苒歸興其如何春歸  
客未歸微官一行窩舊堂幾易主遠道生重波未諧卜居  
願且和滄浪歌

夏日背屋角良久出林杪紅稠綠暗閒頓覺炎蒸少長空  
無停雲遙岫有歸鳥公餘脫冠坐暫謝紅塵擾跡類居深  
山心同禳清沼多謝襜褕郎長年送昏曉

流雲遞疏雨簌簌鳴高樹隨風散長空往復不知處沾衣  
覺微涼欹枕達清曙閑餘惜花意滑憶登山路農事方苦

忙傾心耳如注

暮雨忽新霽層軒開碧山浮雲避素月夜色明松關流螢  
遞隱見宛在深林閒埽石坐彈絲天風下鳴環瓊樓正扛  
望佇立難爲攀

長江行

大江西來是何年奔流直下岷山顛長風一萬里吹破鴻  
濛天  
天開地闢萬物茁五嶽四瀆皆森然帝遣長江作南  
瀆直與天地相周旋是時共工怒觸天柱折遂使后土東  
南偏女媧補天不補地山崩谷罅漏百川有崇之叟狂而  
顛坐看萬國赤子淪深淵帝赫怒罰乃罪神禹來乘四載  
驅大章走豎亥黃龍夾舟穩不驚直送馳波到東海朝離

巴峽暮洞庭九派卻轉潯陽城縈紆南徐萬餘里更萬餘  
里通蓬瀛君不見黃河之水天上下其大如股空縱橫長  
淮清濟出中境曷敢南向爭權衡千流萬派瑣瑣不足數  
雖有吐納無虧盈下亘厚地上摩高空日月出沒蛟龍所  
宮奇形異態不可以物象但見變化無終窮或如重胎抱  
混沌或如顯氣開穹窿或如織女拖素練或如天馬馳風  
駁空山怒哮飽後虎巨壑下飲渴死虹或如軒轅鑄九鼎  
大冶鼓動洪鑪風或如夸父逐三足曳杖狂走無西東或  
如甲兵宵馳聚嘯滿山谷或如神鬼晝露萬象出入虛無  
中吁嗟乎長江胡爲若茲雄人不識無乃造化之奇功天  
開九州十有二山南北並峙江流其閒堯舜都冀方三苗

尙爲頑魏帝倚天歎征吳但空還吁嗟乎長江其險不可  
攀古來英雄必南驚我祖開基自江渡古來建國爲中原  
我宗坐制東南藩始知天險不足恃惟有聖德可以通乾  
坤長江來自西極包人寰環帝宅吾來何爲爲觀國汎吳  
濤航楚澤壯神功歌聖德聖德浩蕩如江波千秋萬歲同  
山河而我無才竟若何吁嗟乎聊爲擊節長江歌

風雨歎

壬辰七月壬子日大風東來吹海溢崢嶸巨浪高比山水  
底長鯨作人立愁雲壓地溼不翻六合慘澹迷乾坤陰陽  
九道錯白黑烏兔不敢東西奔里人蒼黃神色變三十年  
前未曾見

正統甲子歲

東村西舍喧呼遍牒書走報州與縣山



西江行集卷第九  
三  
逐谷淘豺虎，嗥萬木盡拔乘波濤。洲沈島滅無所逃，頃刻  
性命輕鴻毛。我方停舟在江臯，披衣踞牀夜復晝。舉頭觀  
天恐天漏，此時憂國况思家。不覺紅顏坐凋瘦，潼關以西  
兵氣多藍笳。吹塵塵滿河安得一洗空，干戈不然獨破杜  
陵屋。猶能不廢嘯，與歌世閒萬事不得意。天寒歲暮空蹉  
跎，嗚呼柰爾蒼生何。

蔣御醫黃頭月桂圖

一月一花開開時月常好黃頭少年何翩翩每見花開被  
花惱紅顏繡羽紛葳蕤暖風吹春春力微芳心豔影莫相  
妬其保春光在遲暮君不見江花欲落江水深憑仗黃頭  
過江去

滄浪吟

滄浪水清且閑朝持長竿去暮踏輕舟還江湖悠悠厭奔  
走獨挂漁罾向溪口水面遊魚不避人江閒白浪空回首  
網草平沙帶綠蘋微風不動波粼粼忽如青絲貼紅鱗低  
頭坐睡了不聞亦知在興不在物江村水市徒紛紛滄浪  
水清不濁耳可洗纓可濯江南風景殊不惡耕田不如捕  
魚樂我家住在瀟湘東長向滄浪憶釣翁借問磯頭舊江  
水春來幾度桃花風

平陰武愨王輓詩

十有四年秋八月胡笳吹塵暗城闕漢家天子親出師旌  
旂如山令不發將軍意氣如飛熊腰閒寶劍雙白虹長戈

一麾四十萬六合慘澹多悲風胡天冥冥夜飛雪將軍奮  
呼山石裂平生鐵石舊肝腸化作烏鴛口中血君王龍馭  
今在途臣身已死誰爲扶中興功業吾豈敢君王獨歸臣  
不返裕陵松柏自千年臣歸耐葬橋山邊英魂或助天飈  
起長爲狼山婦夕煙

題邵容城所藏幽松圖

種松谿邊長十丈高雲對屋團青障中有幽人愛讀書  
芾袍紗帽秋蕭爽青苔白石坐移時衡門晏起獨開遲山中  
繁實甫初落水面垂蘿風倒吹十年南北江湖夢野樹孤  
雲遞迎送此地材同新甫良多居官比藍田重酌君美酒  
聽我歌東園桃花能幾何丈夫功業在晚節君今尚壯非

蹉跎

沈刑部所藏墨竹歌

沈郎之貌古不妍滿懷清思如湧泉手中墨竹風嫋嫋坐  
我一片瀟湘天貪愁吟鬢灑霜雪已覺紗帽隨風偏人道  
湘靈解鼓瑟此中似有冷冷絃自言得此意蕭索中夜不  
敢高堂眠罔誰作者夏太常平生翰墨江海傳雪堂無人  
老可死此物價重黃金錢近來畫竹有數家世人皆愛我  
不憐我非能畫卻能看別有苦思通幽夕病眼揮毫不成  
字小者如粟大者拳西鄰奚老髮半白東鄰陸郎美少年  
清歌古調兩不厭爲子歌我滄浪篇

歌風臺送李舍人

芒碭龍象去復來長風萬里黃雲開手提三尺視六合酒  
酣獨上歌風臺大風之歌何壯哉樽前灑淚數行下當時  
聽者讎悲哀沛中小兒解擊鼓不見干戈見歌舞三戶邱  
墓已滅秦兩生制作空逃魯君王自信材且武衣冠士人  
棄如土大風之歌竟何補李侯自是江東儒壯年挾策干  
國主平生慷慨心好古亦欲南遊弔徐楚是時朝多賢俊  
臣坐令四海無兵塵禮樂成俗忠孝敦君亦還家懷老親  
君歸試問荆與榛豈無儒碩遭沈淪丈夫勲業共努力君  
今豈是江湖人

王孟端竹長卷

九龍山翁興豪放手持蜿蜒青竹杖酒酣怒擲江中流化

作乖龍長數丈一龍躍起一龍隨倏忽羣龍駭奔浪穿沙  
瀾石連雲霧頭角森森各相向其閒小者稱鱗龍鱗甲脫  
盡風神同人道此翁善劇戲造化乃在指掌中君不見九  
龍山翁去向許九龍山上多風雨素壁空堂杖影寒夜半  
無人作龍語

畫鷹

卑枝詰屈高枝舉小鷹低回大鷹怒殺氣森森動碧寥干  
山落葉紛無數雲霄意概風霜姿傲睨六合無雄雌夢迷  
東海未歸路興在秋原初下時吁嗟乎巢有羽兮穴有肉  
莫遣鴟鷂空側目

深宮美人圖

詞林香齋集 卷第八  
秦宮邱墟漢宮圯望仙銅雀參差起隋唐去後花綺空流  
落誰家畫圖裏桂殿椒堂十里香繡襦寶帶鬪成妝前庭  
歌聲後庭舞鳳輦不來深夜長玉甌犀筋涼風發團扇空  
悲舊時月不見千門萬戶時祇今何處埋香骨馬家大練  
長作裙沈香錦鞵隨風塵君看掩鼻工讒者何似辭恩下  
輦人

四禽圖

楊枝老樹幽巖裏山鷓雙棲掉長尾高鳴俯搦勢不停似  
向春風矜爪觜山頭錦雞金作冠身披五采成斑斕遠從  
紅日霽時見更向碧山深處看人言此物真絕特同是山  
禽不同格休將綠水照毛衣祇恐桃花妬顏色

空山雨過把樹黃鵝繫纜不知數金衣公子正多情  
鶯隨金丸欲飛去海榴花殘紅子新沙上鳧鷖來往頻  
每從水淺花深處遙見隔花臨水人山禽關關水禽語  
脉脉幽期似相許莫負天晴日煖時一春江上多風雨

碧林紅葉驚飛鳥江上秋風下來早鴈去鴻辭煙水空兼  
陂落盡芙蓉老原頭鵲鴿如有知應憐歲暮得同棲枝閒  
戴勝聲不住應憶春園初降時山林動物各有託野雉分  
明出叢薄見說豐年少網羅低飛不及高飛樂

江南山深冬日暖湖冰無澌湖水滿幽林晚徑斷人行落  
盡梅花春不管山茶花發爭芳菲翠翎蠟黃相光輝煙生  
錦嶼寒猶戀雪滿銀塘夜未歸疏林落羽紛凌亂回首青



香各分散溪上鴛鴦獨有情春來冬去長爲伴

又四禽圖

鸚鵡色不如鸚鵡強向筵前學人語網羅西下隴山空毛  
羽雖佳不如汝鐵衣金背雙雕楹世閒無處無弓繪試聽  
內苑籠中語空誦彌陀六字名

珊瑚出海海見底誰掣長竿臨海水黑風颺霧卷冥濛化  
作禽飛向空起北人未熟南禽名嶺外方言如鳥聲由來  
珍異非國寶須識君王御貢情

金隄柳色黃於酒枝上黃鸝嬌勝柳歌音宛轉色娉婷種  
種春光無不有春來何遲去何速回首紅顏憶騎竹急須  
攜酒聽黃鸝莫待楊花眯人目

春山潑黛青，淋漓山際春。禽雙畫眉山，光物色兩濃澹。苦  
欲問春春不知，古來尤物皆成怪。誰遣山禽入圖畫，西京  
京兆今不歸。林郎爲了風流債。

陸馬後簡蕭文明給事長句并呈同游諸君子

我在黃門夜燕歸，徑驅健馬疾若飛。馬蹏翻空身墮地，豈  
獨塵土沾人衣。徒行卻叩黃門宅，主翁醉睡驚倒屣。東軒  
大牀許借我，筋骨屈強眠不得。二郎擁臂下中庭，左曳右  
挈蹒跚行。西鄰乞藥走僮僕，東家貰酒來瓶罌。大郎慰問  
不停口，以手熨抑重復輕。黃門對牀臥，蒼語獨夜沈。沈何  
限情黃門朝，回我起坐南屏。潘郎跨驢過西臺，驄馬隨東  
曹。復有同官兩寮佐，周郎哭子涕未乾。聞疾赴予如拯墮。

羣嗟眾咥增我憂獨喜南屏向予賀憶當墮馬城東阿前  
有深渠後坡隨置身隙地不盈丈或有神鬼相撝訶茲行  
未必不爲福對酒盡醉且復歌詩成瘡病不能寫黃門健  
筆如操戈庭空客散日在戶夜踏肩輿代徐步道逢東曹  
送我歸舉袂卻之猶返顧入門強作歡笑聲實恐衰顏驚  
老父閉門穩臥病經月幸是閒官寡書簿高吟朗諷猶古  
孖歛坐仄書書屢誤故人人坐時起迎拄杖徐行轉愁仆  
黃門父子時過問愛我情多豈予助平生骨肉欣戚同世  
上悠悠幾行路宦途夷險似有數墮馬爲君今兩度作詩  
病起謝黃門各保千金向遲暮

文敬墮馬用予韻見遺再和

我馬西行東客歸歸心落日爭分飛長安城中一掌地顛  
倒鞭聲隨裳衣君時別向中書宅兩日吾門斷雙屐甯知  
此厄忽相遭怪事驚從武昌得東曹舊儼尙書庭當階敗  
曳止復行曲身正自憑几杖伸臂強可持杯罍拳如崔家  
獨足驚風雨不動垂絲輕誰其賞此句獨苦吾荷武昌無  
限情四當軒前花下坐病足蹒跚爲花過詩才與病應力  
爭酒興鄉心復相佐歸來病劇吟愈工作勢猶疑馬前墮  
故將奇事發高懷衆口慰吾君自賀憶當散髮林中阿婦  
石自坐青盤隨肩行板輿步筇竹左塵右筵隨摩訶風檣  
浪檝見亦慣倉卒不廢歎與歌誰令冠屨執羈策頓覺平  
地生鋌戈安樂窩中長閉戶萬事茫然入推步如何物理

異人情墮甌有時猶卻顧羊家臂折登三公塞上髀傷歡  
老父定知時運迭乘除或者神靈司籍簿南人漫作知章  
嘲北客善騎甯免誤嗟予亦是長安人二十年來幾顛仆  
向來病臥苦岑寂劇飲豪吟賴君助言酬德報理則然况  
是前車覆同路世閒墮者亦無數共說郎官好風度卽看  
走馬向亨衢莫待驅馳歲云暮

按先生此詩往復凡數疊列朝詩選全錄茲選存  
二首以見先生於此等遊戲之作亦不減蘇黃能  
事也

沅湘耆舊集卷第九

新化鄧顯鶴湘臯編輯

鄞縣沈道寬栗仲校訂

李文正公東陽

古體詩四十一首

畫松爲顧良弼主事題

畫松不必真似松風骨略與畫馬同畢宏曹霸兩奇絕妙  
意正在阿堵中君家素壁光如雪上有虬枝老垂鐵晚歲  
常同怪石寒炎天恥受高雲熱江翻樹轉爭喧厯十步九  
戰何時開陰房半扇山鬼嘯海水不斷天風來城南野人  
頽醇古坐愛涼秋滿虛宇安得移來十丈青高價如山棄  
如土知君此興迥莫攀調予苦絆風塵閒攜琴載鶴招使

去我家自有徂徠山

徐州洪蘇墨亭書坡老石刻後

有序

郡守蘇軾山人張天驥詩僧道潛月中遊題名十六字  
在徐州百步洪岸石石半入水水落輒隱隱見沙渚閒  
篙師漁人不能識而崖石險絕又非士大夫所暇尋閱  
者故於世無傳焉成化壬辰予過徐放舟洪下畏險岸  
行偶見之因爲詩以記又八年庚子予與洗馬羅君明  
仲校文南畿歸工部主事尹廷用實理洪事邀坐蘇墨  
亭則此石已爲君所伐致置之亭壁矣因與明仲各賦  
一詩遺尹君留之亭中

昔昔彭城初泊舟岸行百步觀洪流手披荒蘚看古石上

石坡翁舊時刻沙衝水齧四百年字畫半滅丰神全我行  
見此三歎息此物乃在風塵閒冬曹尹君真好事自埽巖  
巖鑿蒼翠山靈助喜河伯愁白日驪珠照平地孤亭紫壁  
高龍從登堂見字如見翁山人在前僧在後尚憶扁舟遊  
月中崖端刻頌唐宗業水底沈碑杜預功直將談笑爲故  
事似與百戰爭英雄高才直節古今少片石價與千金同  
出來一代不幾見况我異世懷高蹤憑君一搦數千本徧  
使四海揚清風

張御史洪死土木之難其子浙江參議敷華請爲詩  
以輓之

平城敵騎紛騰薄大駕親征向沙漠漢家將軍令不專四



十萬人俱不還百官扈從爭赴死玉佩金章者誰子道傍  
白骨無人收中有豸冠張御史張公直筆橫秋霜平生鐵  
石爲肝腸長軀七尺棄如屣赤日下照雙瞳光山開野狐  
猶陸梁願爲厲鬼隨君王君王入朝臣恥雪驍帥戕軀強  
敵滅羣公坐饗昇平年憾不身持子卿節公今有子登金  
門九重再拜君王恩十年兵甲不復試兩世箕裘今尙存  
相逢若聞公家世莫話龍沙舊時事仰天不獨悲賢豪一  
曲哀歌幾行淚

按鄒忠肅公亦死土木之難而公集中無詩忠肅於公爲同鄉獨不及者或其家未請故耳

早朝遇雨道中卽事

長安五月霖雨多六月更急如綿河通宵到晚不得寐茅

屋欲破愁嗟。攬衣當戶未能出。御坐蓬窗。聽疏密。縱道君忍屐放朝端。居未敢忘巾櫛。九衢燈火迷西東。輕囊瘦馬。隨疲童。道傍行子。顧且笑。調子亦在泥塗中。感渠相念。不相識。問之不答。還恩恩如聞。身是營中卒。春鏃欲赴朝。天宮古來王事稱靡盬。予亦勤勞。竟何補。爲渠慙愧。人低回。用急嚴城聽鳴鼓。

荷鷺圖爲薛御史作

秋山沈寥秋水濶。一夜天風起。積木萬籟凋。餘錦樹空繁。花落盡。紅衣脫。鷓鴣鷓鴣俱無聲。沙邊白鷺如有情。幽禽相呼。落日暝。尺鯉下避寒潭清。寒潭直下幾千尺。落羽回波共蕭瑟。獨立遙憐海嶼青。低飛不礙江雲白。詩家畫格。

還相宜卻憶江南初見時  
雍陶池上風雨集摩詰田中煙  
火遲吾生頗似巢籠鳥  
十年塵土長安道  
萬里滄浪一片秋  
安得閑身此中老

張養正檢討所藏王舜耕雪圖

朔風撼山山石裂  
老樹杈枒半枯折  
陰雲匝地凍不收  
知是前溪夜來雪  
回峯遠岫相明滅  
斷梗流澌正幽咽  
天寒萬籟聲蕭蕭  
水行無舟陸無轍  
村回徑仄隨欲傾  
危橋欲墮猶低撐  
長空遙遙一鴈下  
白屋裊裊孤煙生  
灞陵豪傑一時興  
東郭幽人千古情  
高堂對酒不得醉  
我意豈獨憐丹青  
不見去年三冬無  
一白又不見九月  
江南雪盈尺  
豐年消息定何如  
欲向田家問麩麥  
官曹坐食無良籌

亦胡爲簪組流知君故是經濟器慷慨莫忘蒼生憂

謝學士藏山水圖歌

翰林門地清如冰高堂六月開雲汀涼秋撼撼起庭宇萬  
籟如在空中聽空山蒼蒼入林莽江上茆亭隔風雨層窗  
曲檻深闕寥寂寂幽絃似相語繩牀斐几隨周旋塵尾不  
動聲琅然山高水濶鳥飛盡惟有碧樹鳴寒蟬東鄰老翁  
跨驢至西家屐齒半欲穿山頭擔荷步還卻此豈有意冷  
泠絃先生愛山復愛水看畫題詩宛相似坐令賓主成三  
人不羨謫仙花月裏玉堂退食時相從恍然坐我青芙蓉  
願將一曲洗雙耳更待高樓閣闔風

題宋儀中雨圖

孤散蒼蒼集煙清山頂溼雲半爲雨垂蘿繞屋茅覆牆石  
燕林鳩似相語桃花落盡梅子黃南湖北柳俱茫茫黃泥  
道路白頭淚知是江南煙水鄉長安溽暑秋過半雨溼畫  
牀盡糜爛三年詩遣坐盈案拂君畫圖爲君歎閉門覓語  
無人催呼童卷送休徘徊君看白石最深處紙背猶溼青  
莓苔

鰕魚圖爲掌教謝先生作

洋池雨過新水長江南鰕魚大如掌沙邊細荇時吐吞水  
底行雲遞來往其間種類多莫辨短者如鍼細如綫三年  
養得鱗甲成萬里空嗟畫圖見一官薊北復巴西丹青不  
改質成絲遙憐天路飛騰地長記春風長養時宦途萍水

紛無迹再見此圖三歎息遠行珍重寄雙魚魚中定有長  
相憶

彭學士所藏劉進畫魚

西園太液今靈沼山下碧波春渺渺紅鱗紫鬣時去來雲  
影煙光足昏曉微塵不生空宇濶百丈秋毫差可了沙邊  
細沫吹轉回水面青萍拂還繞窈窕遙憐宿鷺閑飛騰不  
羨輕鴻矯朝廷有道萬物遂池榭雖多幸遊少帝澤還同  
雨露深餘生得謝醫眾擾慈宮宴罷移彩舟學士詩成賜  
清醪羽林郎官亦供奉筆下丹青疾於鳥白玉堂中一尺  
白片月孤雲未爲皎天上真傳種類奇人閒豈合泥塗湫  
十二闌干九曲隄置身忽在垂楊杪極知飛躍皆聖化慕

寫無才愧荒渺他時變化那可期已覺神光射天表

黃宗器秋官所藏何太守山水圖

溼雲浮空山欲動亂壑回峯互吞湧當溪獨樹雨冥冥青  
苔覆地春陰重深山白石幽人居鉤簾寂寂坐看書竹橋  
入林野有斂草閣傍水門無車行人細路隔山腳曳杖前  
登後還卻浦口輕舟信往還鐘聲遠寺空寥廓此中可釣  
亦可耕不然且濯滄浪纓酒酣夢覺兩相失此興豈獨憐  
丹青風流太守何侯筆三十年來已蕭瑟君今愛惜須人  
傳予亦題詩坐終日

沈啟南藏郭忠恕雪霽江行圖真蹟

洛陽老狂眼雙白揮毫醉呼聲裂帛手持造化奪天工頃

刻雲煙變朝夕有時點染入豪忽決皆未須論寸尺平看  
側睨部位勻疊見層分了無隔更聞篆法書絕倫二物殊

利乃同格前身合是顏平原骨脫空山兩無迹

自注世傳忠恕尸解

事與魯公正同

君看雪霽江行圖杳若張帆向空碧沙明水淨天

地闊遠樹平川晴歷歷兩舟供載百物具細者銖藏巨山  
積老稚相看宛有情傭工僕夫皆受職世閒畫手自有數  
此狂一去難再得宣和舊物出內局書題瘦筋印方石風  
塵瀕洞同落空流落江南歲三百天球河圖廟不守微物  
猶關世因革富家珍襲何足論終作貧兒一朝食姑蘇沈  
郎亦好奇袖裏黃金輕一擲定知仙筆可通神恐有六丁  
隨霹靂桓子竊取吾所笑一月爲君頻拂拭還君頗覺未



忘情摹本爲子君莫惜

劉尚質南樓題王舜耕山水圖

溪聲潺湲雜林壑山勢蜿蜒去還卻浮雲欲起未起時半  
在溪頭與山脚入空高鳥飛欲盡背屋斜陽慘將落更無  
曠地與閑人縱有紅塵何處著南畝老翁雙鬢斑筆法頗  
似高房山少年豪宕老疏放往往醉墨畱人間平生畫癖  
兼山癖一見此圖三歎息愧我不如樓上人日日開窗看  
秋碧

題畫鷹送羅緝熙南歸

大鷹猙獰爪決石側目高堂睨秋碧小鷹偃伏俯且窺威  
而不揚豈其雌雌雄起伏各異態意氣相看出塵壘獨立

善將衆羽萃高飛，怕有浮雲礙山寒。葉落天始風，日色慘  
澹川原空。人間狐兔自有地，慎勿反擊傷鴛鴻。畫圖彷彿  
是誰作，宛似懸鞦臂。聞落高堂匹練長，風生萬里炎荒盡。  
幽朔我生奇氣空，麟峒揮毫對此不無神。送渠羽翼朝天  
去，亦是雲霄得意人。

張侍御世用所藏山水圖歌

秋山日落川氣黃，樹影下映寒潭蒼。叢篁入林谿蒙翳，石  
角路轉山東岡。茅堂對山復面水，高者可疑深可航。閉門  
卻埽動經月，落葉委地苔覆牆。豈無山客跨款段，亦有孺  
子歌滄浪。再生早覺簪組累，十年邱壑成膏肓。畫圖彷彿  
見此景，褰裳欲渡川無梁。空堂五月燠如火，使我鬱塞迴

中腸安得盤陀一片石坐醒殘醉生餘涼君今持節行萬  
里要遣霜雪清炎荒請看窮谷最深處或有隱逸藏聲光  
揚清激濁付公等吾欲拂衣辭太倉

徐用和侍御所藏雲山圖歌

何人醉寫雲山圖浮雲湧洞山模糊空明射地日漏影稍  
覺林樹閒扶疏平原蒼莽不知處忽有細路通榛蕪茅室  
枕山半閣水卷幔正對前峯孤幽人深居不出戶低頭把  
卷時呬唔中流棹歌似相答欲斷未斷聲嗚嗚雲多水闊  
望不見知是滄洲舊釣徒長安六月晴復雨若非塵土還  
泥塗城中見山如見畫剛可髣髴求形模山猶可見水莫  
涉尺潦豈足容長鱸十年舊遊憶南國歲月催人非故吾

鷓鴣洲前漢陽樹此景此詩今有無因君此圖意披豁使  
欲買棹遊江湖

觀懷素自序帖真蹟簡原博太史

吾鄉上人老藏真揮豪作字精入神金書石刻世已少况  
乃縑素隨風塵大江東南天萬里流落數夥驪龍珍百只  
高門若深海腰絙欲入茫無津吳公好古得奇貨轉借數  
手來鄉鄰後堂閒局許坐我展卷故覺情相親嗟予生晚  
見亦晚三十六年空復春蘇黃二老尚莫覩猶喜未乏前  
生因向來摹本已酷似昔見其影今窺真臨池對影不自  
陋塗抹欲效西施顰願攜紙墨就几格亟往不避僮奴噴  
餘光東壁幸不惜且復照我西家貧

讀柳拱之員外嚴宗哲主事楊應甯舍人倡和長句  
戲次韻一首

詩壇森嚴陞復楯白戰雄呼氣難忍西鄰有客興亦酣  
睨重圍目雙眵居然地隔如秦越或者神交同白旗故知  
宮角本諧聲復恐圓方不相準向來蹇鈍費鞭策已分驚  
駘謝駭牝灰餘萬念偶一生腐木經秋發孤菌諸君才力  
音彊健東飛俊鵠西飛隼擬隨磅礴其盤旋弱羽真愁向  
空隕霜天閉門坐不出背擁寒爐曲成蚓強呵凍墨吟小  
詩力困冰毫如荷盾枯腸夜渴吻亦乾綆短餅空誰爲引  
回首不如年少時滿堂坐客誇聰敏韓公道德日已負后  
山精力空應盡逢場作戲亦偶然不覺詩成爲韻窘文章

同時不易得三傑古稱吳富尹君今並是湖南英鄉邑吾  
猶限封畛聞官未免鉛槧累戶外催遊時接軫長歌終曲  
誰使子歌罷獨吟還自哂

按三公唱和成集其詩必非小就今兩山集久佚  
僅存送忠宣絕句一首拱之詩至欲求其單章後  
字而不可得惟石淙集尚托人閒耳吾楚前  
輩風流闕寂如此讀先生此詩爲之三歎

題畫送武陵楊處士

洞庭湖西芳草新武陵溪南花滿津山深水曲不知處燕  
語鶯囀春復春紅塵畫斷車馬迹時有松風掃白石三尺  
孤琴一老翁布衣芒屨無人識君來遠作長安遊君去還  
歸溪水頭山林鍾鼎各有分俯仰乾坤安所求

劉道亨編修雙鷹圖

大鷹昂頭小鷹俯殺氣森森動林莽朔雲捲地塵不飛萬  
里乾坤同一睹野風蕭蕭日將暮罷獵歸來勢猶怒獨向  
林閒振羽毛空山落葉誰能數平原紛紛走狐兔燕雀之  
輩安敢侮縱使長飢不附人須知特立難爲伍海東青去  
已多時塞北赤毛生更稀邳都城在餘荒草劉表臺高空  
落暉畫師好手亦無敵酒酣健筆疾若飛霜豪素練出髣  
髴金眸玉爪生光輝翰林主人負奇骨雖有搏擊無由施  
會看竦翮入霄漢不與凡鳥爭雄雌

題畫

平川雨溢波不流兩車渡水軒若浮車輪載重軌巨牛牛  
力尙可行人愁後車在水前在邱欲進卻顧且復休山途

野店阻且修日云暮矣不得留胡兒健馬雙絡頭肩載糗  
橐無戈矛得非遺寇居邊州或者俘獲隨官郵窮廬不作  
風雪囚道路雖險無離憂聖朝有道鋒鏑收胡我赤子非  
仇讐誰哉更起籌邊樓

風林不定驚枝裊上有修翎兩山鳥溪邊獨鷺短絲垂影  
落晴波秋森森鴛鴦灘鷓似爭春錦毛繡翼相鮮新寒鳥  
數點寂相背頰學山翁避貴人山雞兩翼花如翦未勝鷺  
羣嬌宛轉曲水亭前路有無黃陵廟下湖深淺窮崖老樹  
猿倒懸彼何色者白與皂山中麕子未生角錯立不知誰  
後前世閒飛走各有性詩人自古歌魚鳶莫將楸繪作物  
假此物自是無聲篇



東山圖

謝公昔臥東山麓山中無日無絲竹美人笑捧如花顏飲  
酒賦詩歡不足古來同樂必同憂公能不爲蒼生謀征西  
司馬亦何事猶使桓兵窺上流賊兵在郊公在野天下江  
山局中睹老溫病死強秦奔一代功名荷天與太平宰相  
休云云清言非罪還非勲四郊多壘一身樂吾憶冶城王  
右軍

悼竹

閩南舊植千竿綠低者及牆高過屋風狂雨急牆屋翻餘  
折叢低共傾覆忽驚舞罷鴻門會怒斗紛紛碎蒼玉復似  
驪山墜石餘數百書生葬阮谷初疑鳳羽墮當空更訝籟

龍身在陸翠落瓊飛不復完頓使泥沙汙人目憶昔新移  
近水隈瘦骨棱層不盈東晨澆恐被風日燥晚護幸免霜  
雪酷十年長養成亦艱一旦摧頽勢何速我時夜半驚水  
至闢起蒼黃問僮僕彼駭不識人意勞祇顧囊衣與瓶粟  
觀裏桃花何足論堂前柎樹猶堪錄無家更欲買山林有  
徑誰當伴松菊前軒好竹只數箇頗覺幽懷看未足春來  
擬欲探萌芽蒼苔慎勿迷雙躅

畫馬歌

唐家內殿多飛龍五花隊簇金芙蓉奚官引鞚供芻秣退  
朝牽過明光宮絲繩百尺鎖長柱宛轉霧鬣隨風鬣銀牀  
玉餅汲宮井俯首下飲如渴虹氣噴爲雲血成汗意象矯

矯騰高空當時監牧最得寵襁褓小兒皆錄功丹青畫史  
極摹狀尙以骨肉分雌雄空將盛事作粉飾萬騎不到三  
川東千年粉墨出舊譜乍可髣髴開元中今皇有道華夷  
通敏武不耀兵戈鋒猗應神駿飽芻菽長在天閑十二重  
送張侍郎文淵區處哈密

文皇御極開西裔坐使諸胡作藩蔽哈密王封最長雄錦  
袍金印華文字百年職貢輸玉馬所貴在誠非物貴有番  
士魯誇狡強讐深怨結鐫肝腸攻城奪印虜王母憤叱胡  
走如驅羊叩關訴吏急水火羽書夜報驚朝堂先皇赫怒  
將効力降勅切責昭刑章漸收殘胡住甘肅官爲造屋頽  
玄暉部酋罕慎秩分閭籍亦可臥膽可嘗旁邀八衛台萬

騎復仇雪恥還封疆孤居城角自偵邏兵力雖弱志足傷  
番來結盟駐城下罕慎下城如下馬當時料敵無柳渾又  
見孤身橫草野十年辛苦一朝失頓覺雄豪氣啞啞諸人  
瑣瑣安足論身是中朝拜官者今皇馭世九宇清彼番悔  
禍來輸誠歸城納印貢異物氛翳斂退回光晶聖朝有道  
繼絕世復以故爵稱嘉名胡兒習貪再挑釁掠取萬馬歸  
空城城危兵劔衛不守逆順翻覆相虧盈皇威載奮若雷  
電勅遣兵卿下前殿輕裘緩帶隨肩輿不用金鍔擗銅面  
籌策胸中兵甲生指揮坐上風雲變不愁跋涉經秦隴幾  
慣馳驅歷周甸直省辭家世所難臨岐解螿人皆羨甘州  
城外河周遭玉門關上冰山高營平圖略本常事定遠功

名非彼曹翠庭掘穴豈不易可忍赤子塗脂膏閉關卻使  
法亦有重念王業經營勞根盤節錯器亦利古來經濟須  
人豪君行萬里慎自愛莫待春風吹戰袍

學士柏

有引

翰林後堂有二柏竹巖柯先生所種也東陽承詔受業  
今三十年柏已鬱然而先生棄諸生久矣閒出題課諸  
吉士弋陽汪俊抑之有一日百巾行樹底之句悵然感  
之因衍爲一篇以識不忘

我行樹陰日千巾雨葉風枝自蕭颯惟有諸生識我情傍  
人不解空嘲狎我見先生種樹年我身尙短樹及肩蟠枝  
江山地可縮手幹造化天無權瓊臺翠閣何森爽院砌庭

花敢爭長鹿麕長留六月陰盤迴直與孤雲上材堪五鳳  
難爲用根到九泉終不枉零落青袍幾故人琮瑋玉佩空  
遺響當時院長文安公柯亭劉井相西東百年遺愛豈獨  
此此樹欲比人中龍樹猶如此我何似已愧斑白非兒童  
名收棖栢有先後壽比金石無終窮下堂再拜想顏色仰  
面正拂長髯風

附錄靜志居詩話漢有金馬石渠蘭臺東觀宋有  
總明陳有德教周則虎門麟趾北齊則仁壽文林  
唐則麗正集仙開元中始定爲翰林院其署與他  
公寮不同中有徘徊精舍四面步廊畫壁花磚假  
山叢竹侈金鑿之密記建學士之新樓汴宋玉堂  
尤加藻飾洎乎南波雕屬偏安而省舍一新濯纓  
之泉滌硯之圃芸香之亭汗青之軒以及蓬瀛松  
坡蘭畦之館藥洞菊徑橘洲鶴砌儲圖史翰墨於  
中故論者以詞臣爲神仙之職也明初舊院有修  
竹林學士黃宗豫寄東里詩云一別詞垣數月餘

娟娟修竹近何如北京既建院設玉河橋西堂後  
有井劉文安所鑿也亭二間凡八楹柯學士所築  
也井在左亭居右至今入翰院者以劉井柯亭爲  
佳話而堂後柏二株亦學士所植李長沙選館受  
業於柯後李教習庶常以學士柏爲題汪吉士俊  
有一日百回行樹底之句李悵然有感衍爲長歌  
於是倡和成卷以贈學士之子使藏焉蓋學士汲  
引後進孜孜如不及二百年來樹猶勿剪勿拜至  
今想其文采風流僕當思文獻可徵而詞林掌故  
闕焉不講枉中禁日會粹玉堂舊事自唐宋迄  
明撰瀛洲道古錄一編弟子長洲薛肯堂請事開  
雕詞刊成凡入院者必給一本庶知以古人自期  
斯文不幸陸生云亡至今藏之  
篋衍恐終歸覆篋可歎惜也

釣魚圖爲葉司徒題

兩舟同行如結鄰兩翁相對各垂綸絲長水遠意不極俱  
是江湖閒散身候無忽有時交詫咫尺煙波不相借稚子  
牽絲似有情前村問酒先論價江淮以南罾罟多瀟湘向

上皆風波公家正住魚龍窟我興卻在滄浪歌滄浪歌長  
秋日短野水寒天迷近遠酒醒高堂看畫圖黃蘆瑟瑟江  
風滿

送平江伯陳公總督修河兼簡劉都憲時雍

黃河西來忽東決張秋舊隄先受齧奔波赴海勢不停百  
里漕渠一時泄官船賈舶如山壅河底沙乾日欲裂九重  
南顧回舜瞳三命終朝持漢節陳公舊是恭襄孫奔代簪  
纒萬人傑爭誇將種非凡材復道家傳有真訣兵符夜激  
鯨鯢走將令晝驅雷電掣指揮能事天地回坐計功成同  
解結時方六月霖雨多地苦沮洳况炎熱民窮到骨聲微  
空忍使鞭笞汗成血極知國計須元氣乍可因時治癥疔



比聞水發舟已通暫遣丁歸待農輟三犀永作洪濤鎮一  
蟻不潰金隄穴古來大事當遠圖豈論竹頭兼木屑慣從  
前史鑑興衰已聽高談能激切湖南中丞久奉使頗覺憂  
勞成耄耄因公寄謝平生交自愧官曹容逸拙

題鴈送鄧宗周憲副

黃蘆簌簌鳴秋雨北鴈南征度江渚羣分旅逐各有情劍  
睨回看似相語啄者自啄飛者飛忽然長叫入斜暉片時  
殘夢斷還續千里關山歸未歸誰令歲序多反覆轉使道  
途成骨肉水有菰葦原有粟猶勝鷓鴣一枝足我家舊在  
湘江東十年祇住京塵中送君無限思鄉意昨夜南樓聞

朔風

題劉廷式所藏山水圖時廷式募兵甯夏還復任巡撫

賀蘭西來山作屏黃河東迴水爲城層峯入空鳥雀避澗  
痕捲地魚龍驚平疇沃野不知數圃亦可種田可耕大開  
閫帷集將士中有十萬屯邊兵中人昔奉西秦使指點山  
河識形勢風日千年古戰場冠裳一代今王制遠道關心  
夜聽笳高原駐日春停轡時聞狐豕相出沒別選貔貅爲  
捍衛祇應身自作長城水色山光爲增氣繡衣驄馬重遊  
地蓬矢桑弧少年志他日歸朝檢畫圖爲予細說防邊事

題胡馬圖贈楊都憲應甯

國初以來重戎馬分曹置官牧于野平原極目沙草青中

有長槽連大廈二十四監參差開數百萬匹聯翩來風鬣  
霧鬣起平地一一盡是凌雲才諸番况復開茶市玉篆金  
牌作符契官茶價重番馬肥不遺公家有遺利公家利去  
歸私門地力盡棄天無恩圍人不死死道路縱有馬至空  
名存去年鐵騎聞深入我士雖強馬不給彼敵摧鋒不要  
論飛塵絕漠何嗟及聖皇西顧垂宵衣都憲承恩入帝畿  
由來考牧在經濟亦有官兵勞指揮極知君命如山重復  
道公才似泉湧三千駭牝數非多百萬貔貅氣增勇西藩  
風紀稱師模南都禮樂歸文儒眼前時事有至急馬政雖  
一非其粗世閒萬事無終極撫卷爲公三歎息他日功成  
獻馬圖因公更問平胡策

明山草亭為王侍郎民望題王致仕歸

華容之南洞庭北明山峒堯倚天碧峯迴路轉高復深下  
有東曹侍郎宅侍郎昔在山中居三間草屋一牀書門前  
花樹歲開落簾際煙雲時卷舒扶筇上山石嶽嶽泛舟入  
湖水空澗醒看庭月桂松梢醉愛江風起蘋末朝走燕齊  
暮入秦竭來關塞隨風塵丹心用盡髮半白二十八年秋  
復春亭從別後誰為主山若有情應解語別君年久望君  
歸俯仰乾坤同逆旅南山之樂北山勞問君定是何山高  
有人新向東山去且共相過醉濁醪

懷郴州為何郎中孟春作

郴州形勝天下稀千巖萬壑勞攀躋山高地峻水清駛此

語吾信韓昌黎何郎少年美文藻直以賞識隨標題偶逢  
燕人作楚語某水某山皆不迷黃岑山深入雲霧楚越藩  
離此門戶五嶺中分隔雨晴諸峯忽變成朝暮蘇仙恍惚  
無定所何公流傳豈其祖自注蘇仙何公皆山名有泉如燕復如潮  
與月盈虛社來去編磬懸鐘似有聲奇形怪狀紛無數吾  
祖昔聞生此州吾家近住茶溪頭扁舟三日不一到空負  
平生作壯遊

子昂畫馬卷

翰林學士眞天人平生書畫皆通神自言少小嗜豪素寸  
紙徧作雲煙痕老來意態盡物理畫馬欲過曹將軍此圖  
似出西域種骨法傳奇氣軒聳將身蹴地踠不前矯首見

人驚蠶跡燕家死馬猶堪賣况此風神解飛動在野須教  
一顧空登臺未覺千金重崔郎愛畫復好奇向來得此信  
且疑爲渠指點是真跡老我聰明非昔時圖窮忽見銀鈎  
筆忽訝驪珠海中出江南僞本今已多入眼自須分甲乙  
世人得者惟見一至寶逢時故難匹從此高堂展玩頻明  
窗淨几無長日

夜過仲家淺聞

日維乙未月丙戌青天無雲月東出舟人喧逐夜濤發翻  
沙轉石紛出沒是時水淺舟在地牖門崔嵬畫方閉牖官  
醉睡夫走藏倉卒招呼百無計民船棄死爭赴牖楫倒檣  
摧動交碎舟人號咷乞性命十里呼聲震天地我時兀坐

驚春撞攬衣而起心傍徨同行無人僕隸散獨與船底相  
低昂攀崖陟磴不得上咫尺如在天一方流行坎止信有  
效向來藐視淮與江霜風欺人衣袂薄呼童酌酒累數觴  
鐘殘酒醒頰亦過北斗墮地天茫茫

靈壽杖歌

吾聞武當之山四萬二千丈半在雲根半天上不知三十  
六宮何處稱絕奇產出靈株非一狀蛟螭蟠挈露頭角熊  
經樹顛虎山腳根盤節錯相糾纏含風飽雪經炎寒九年  
洪水之水浸不殺十日之日暴烈何時乾梯懸登接跬步  
不可上誰採青壁紅琅玕見之羨者不容口錫以嘉名曰  
靈壽爪之不入行有聲金可同堅石同久吾家此物舊所

有神與相扶鬼爲守自從病足跛曳不得前已覺山林落  
吾手一病經旬不出門手中此杖嗟猶存下牀欲足立不  
定此時託子以爲命不顧四體無微病但願謝病歸山阿  
左扶右策夾以二童子下可涉園徑上可凌坡陀願栽萬  
本載萬杖窮崖陰谷生森羅靈兮壽兮此物儻可致直還  
四海赤子頭雙髻

書蒙翁先生書畫卷後

蒙翁書法天下豪坐驚風雨隨波濤有時意匠入幽眇力  
與造化爭纖毫仰觀千年俯一世紛紛弄筆皆兒曹書家  
論定價亦定須識我翁人品高戲將水墨灑縑素如飴梁  
肉甘醯糟殘山剩水世莫覩流落數紙青葡萄一登翁門



遂隔世齒頰未獲留餘膏如遊神山見石髓頃刻再往不  
復道莆田鄭郎得寶藏明珠雜佩金錯刀摩挲兩眼百過  
讀使我涕淚盈青袍三年留玩一朝去久假似覺歸心勞  
泰山東頽日西墮欲往從之中鬱陶詩成起立歲將暮空  
庭短髮空蕭騷

華山圖歌爲喬太常字作

嗟哉此山吾不知其幾千丈兮但見巍然屹立于天中  
中有三峯聳拔而直上部位離立西南東諸峯羅列在其下  
有似長老隨兒童縱令立表以識不得算雖有記里之鼓  
難爲功我聞上古之世開鴻濛沙水盪汨相結融融者爲  
泥滓結者爲石爲山峯石堅山積理亦爾試看崛起斬削

別有造化之神工山名五嶽此其一特出似異衡與嵩天  
門重重隔煙霧鐵鎖懸崖引長路掘衣欲進苦不前十步  
行時九回顧山腰流泉如瀑布仙掌撐空若承露虎踞龍  
蟠各有形鸞鷲鶴舞紛無數置身忽在中峯頂極目乾坤  
莽回互秦關蜀徼阨塞豈足論遙指扶桑最高樹噫吁戲  
自有天地兮卽有此山萬物代謝兮山巋然古人今人到  
者相接踵誰復騁步窮其顛我生好古厭塵俗險絕獨慕  
昌黎韓昔年南遊復東眺二嶽只尺不一攀有客西來詫  
我以大觀歌聲上徹秦雲端畫圖指點向空廓已覺天上  
非人閒喬生喬生如此好奇者世不可以多得安得與子  
一日遍歷千嶺岼

鍾欽禮雲山圖爲史都憲天瑞題

江南畫史誰專門會稽老鍾清且溫圖成長練置急雨筆  
墨滅盡風神存陽厓陰谷半明翳上有烟雲時吐吞深林  
蒼鬱石塊磊野水不斷天無痕當其得意每自許傲睨耽  
受王公尊勾餘拙翁善墨竹

史號勾餘一拙

二者異法須同論謂

渠畫格自有派房山之子南宮孫手持此圖自東海海色  
尙帶扶桑噉千巖秋聲萬壑樹只尺不辨東西村幽亭野  
集者誰子似有賓主無琴樽問之不答若莞爾物外別自  
成乾坤我生愛山復愛竹對此病目開餘昏君看巖谷最  
深處好著數箇簪篔簹根

丁御史同年墨竹走筆爲長句

浙江之東縣新昌乃在千巖萬壑之中央側身重足恐無  
路五步一淵十步岡君家茅屋此卜築白石叢抱青篋管  
西接林薄南通塘低者出地高出牆江南此物賤如草買  
種不費錫與筐野生石迤小如指一夜風吹還尺強煙鋸  
雨櫛歲屢改舊葉換盡新梢長青苔白石淨如埽吳紵越  
羅生雪霜脫巾箕踞坐其下野叟林夫相與狂陰風颭颭  
左右至耳熱不受秋山涼醉中恍惚無定所顛倒萬籟隨  
宮商忽如壯士入沙場鐵騎夜感陰山驅不聞鼓角動但  
見矛戟森開張忽如仙人來帝傍翠環金節聲鏘鏘不聞  
鸞鶴叫但見雲中雙鳳皇蛟龍起舞鬼陸梁復如扁舟渡  
瀟湘九疑山前鷓鴣泣二女聞之雙斷腸是時騷人醉半

醒孤棹萬里回滄浪十年宦遊隔江海此興落落何由償  
深知良工心獨苦愛畫不減青琳琅往時王孟端近者夏  
太常二公之畫世所藏此物何爲在君堂君心自有百鍊  
剛見此意氣俱飛揚烏臺退食宴佳客看竹不礙肩輿郎  
我當攜琴載雙鶴坐子林間青石牀

沅湘耆舊集卷第九終